



Sesida dals

Communitgà ils

Protocol nr.

3 da zercladur 2025

4 da zercladur 2025

409/2025

Incumbensa von Moos

concernent la meglieraziun da la quota da vaccinaziun cunter HPV e la prevenziun cunter malsognas da cancer associadas cun HPV en il chantun Grischun

Resposta da la Regenza

La Regenza renconuscha l'importanza da la vaccinaziun cunter ils papillomavirus umans (HPV) per la politica da sanadad, ed ella è medemamain da l'avis che las malsognas da cancer associadas cun HPV sajan ina ristga seriosa per la sanadad. La prevenziun tras ina vaccinaziun è in instrument central e cumprovà per far frunt a lunga vista a questa ristga.

En la moziun Lohr (moziun dal Cussegl naziunal 25.3041) è il Cussegl federal vegnì incumbensà d'elavurar – en coordinaziun cun ils chantuns e cun ils partenaris da sanadad – ina strategia cun mesiras intenziunadas per eliminar las malsognas da cancer chaschunadas da HPV:

- Cuntanscher ina quota da vaccinaziun da 90 % tar las mattas ed ils mats ed in meglier access a la vaccinaziun (praticas da medias e da medis, apotecas, scolas).
- Midar al test da HPV per la diagnosa tempriva tar las dunnas a partir da 30 onns e realisar las recumandaziuns dal gremi d'expertas e d'experts sin fundament dal HTA.
- Meglierar l'infurmaziun e la conscienza concernent HPV en la populaziun.

Questas finamiras e mesiras pudessan tranter auter vegnir integradas en il program naziunal NAPS, en il plan naziunal cunter cancer sco er en ils programs chantunals da vaccinaziun. En sia posiziun dals 14 da matg 2025 ha il Cussegl federal proponì d'acceptar la moziun. Las debattas en il parlament n'han anc betg gì lieu.

La Regenza è pronta d'evaluar en moda critica il sistem vertent e da coordinar cun la Confederaziun, cun ils auters chantuns e cun ils partenaris da sanadad l'elavuraziun

d'in concept per augmentar la rata da vaccinaziun cunter HPV en il chantun Grischun e per etablir in sistem da monitoring optimà.

La realisaziun da l'incumbensa pretenda in augment da persunal e chaschuna custs supplementars. Sin fundament dal fatg, che las directives da la Confederaziun n'èn anc betg enconuschantas, na pon l'augment da persunal ed ils custs supplementars actualmain anc betg vegnir quantifitgads. Sch'il chantun n'avess da survegnir nagin sustegn da la Confederaziun, èsi da supponer, ch'ins stuess planisar pliras plazzas a temp cumplain ed ina summa da plirs millis francs (per exempel per campagnas da vaccinaziun). Er en quest cas èsi decisiv d'observar las valurs directives da la politica da finanzas.

Sa basond sin questas explicaziuns propona la Regenza al Cussegl grond d'acceptar l'incumbensa qua avant maun.



En num da la Regenza

Il president:

A handwritten signature in black ink, appearing to read "M. Caduff".

Marcus Caduff

Il chancelier:

A handwritten signature in black ink, appearing to read "D. Spadin".

Daniel Spadin